



03634

適齋居士集



適齋居士集



序

天地之生才不數而遇則豐嗇攸殊說者謂豐者天地愛才之心嗇者造物忌才之實非篤論也天果忌之何如母生生而忌之天不若是之隘善乎范縝之言曰人生如落花隨風飛茵墮溷各隨其緣夫緣卽天也崧生嶽降天地無不愛之才而時會所乘造物亦不能自主故往往慳其遇促其年而愛惜倍甚必爲之委曲呵護佑啟後人以傳名於後世藉抒其鬱而未申之

舒序

氣斯造物者始可無憾卽論世者亦可無憾也余亡友舒君石舫天潢貴胄少負雋才俗好一無所嗜獨志於詩年未冠以家難戍伊江遇余塞上余時已老羣少睨而避之君質疑問難獨依依不去居與余鄰中隔小橋日可十數度也古來邊塞干戈擾攘遷人謫客率多窮蹙之態噍殺之音方今四夷效順刁斗不驚同人趨公外分韻擘箋聯爲詩社君家伯仲掉鞅騷壇君詩能與之埒一時有合璧連珠之目已未

賜環余曰束金拖紫在此行矣乃不數載而訃音至余爲位以哭賦詩誌慟及東歸訪其遺稿而不得竊以人亡子幼當隨雲煙散耳庚辰余再入都公子崇恩不介而來亭亭玉立手一帙示余曰此先父遺稿恩奉母命求先生訂正者也余悲故人之不見而見公子之成立也相向而泣旣閱其秋笳吟皆昔年與余唱酬於冰天雪窖中者篇什如故而警效無聞繼閱其課花軒遺稿則公子搜之敗篋零星編輯者竊念公

舒序

子七月失怙徒以晝荻勤劬遂爾克承先志如此余旣幸得重讀君詩又幸君伉儷之賢箕裘之善得所流傳而弗失也頓易悲而喜昔唐李長吉系出鄭王後嘔心鏤肝苦志謳吟惟以造句奇僻卜其不壽君門第與長吉同而詩則昌明博大秀骨天成假使得永其年以之鼓吹休明造詣當出長吉上乃年位亦竟與之同信乎其嗇於遇也然以公子好學能文年十八應京兆試衰然居首受知於卓海帆先生佇見霞標

雲舉黼黻文章以繼君未竟之志而抒其鬱而未申之氣是天之委曲以成其愛者至此益信造物者可以無憾而論世者之心亦可以無憾也惟公子勉之是爲序

道光紀元之歲三月望日春林愚弟舒其紹拜
手譔



舒序

三

序

立言爲三不朽之一詩言志歌永言故業之足以不朽者雖數之修短容有不齊而其言終必卓然自見於千古此卽昌黎氏所謂死而不朽孰謂之天者也石舫先生者春圃總制之令嗣而雨舫太守之尊人也總制公爲余父執乾隆年間與先君子同官於皖相得甚懽後公建節閩浙緣事獲咎諸公子俱遣伊江時石舫年甫弱冠到戍後閉戶讀書以求孔顏樂處惟時過舒春林令尹寓齋與之唱和以遣旅懷遂得詩數百篇嘉慶己未蒙

恩賜還尋捐館舍維時雨舫太守生七月而孤室如懸磬所存者祇此吉光片羽耳余於道光癸未官吏部尚書雨舫亦供職銓署每於藤廳公餘詢及往事故知其大略如此今雨舫出守泰安瀕行出詩一卷屬序於余細讀諸作典雅清新自抒胸臆不寄他人籬下倘天假以年烏容量其所到蓋琳瑯球璧人皆可至先人手

澤設一旦散軼卽如雲煙過眼豈可復得有此
遺稿亟宜付梓而世寶之嘗謂人之不可磨滅
者志氣詩之可以流傳者性靈石舫先生生長
於綺紈之家跋涉於風霜之塞而能操志和平
吐辭沖淡在戍四年之久處之怡然如不知其
身歷流離困苦者苟非存養有素安能及此哉
太守此行當敬采其詩中嘉言景行凡可以厚
民風培元氣者身率而力行之以副先人未盡
之懷則是編之傳更可卓然不朽矣

道光十有七年歲在丁酉秋九月世愚弟文孚
頓首拜譔

序

歲已亥三月余自江南讞獄還京道出泰安雨
舫太守奉其先尊石舫先生詩集見示輿中
唸諷終卷喟然而歎先生抱磊落之材而阨於
遇屈於壽也先生自幼能詩弱冠流離絕域越
五年而歸歸五年而卒凡屯困蹇否之況一見
於詩生稟至性孝友誠摯沈潛明達時流露於
篇什閒使天假之年見用於世必有所表見乃
僅以一編傳良足悲已雨舫生丁孤露能自愛
以無忝所生官銓部時余稔知之出典大郡克
揚厥職凡先生有志未逮而有待於後者雨舫
尚其思慕而善成之卽謂是詩爲先生之庭訓
也可

道光十九年端午日蕭山湯金釗拜撰

通齋所存廿七歲小像



如星一出景如雲出
祥光一見先觀者榮
如鱗一出龍如羽出鳳
誦卷出龍如護持者眾

道光壬寅四月之吉

福山後學王尊澤拜手題



誥贈奉政大夫吏部考功司員外郎兼文
選司行走掌稽勳司印加一級石舫府
君行述

府君諱舒敏字叔夜號時亭別號石舫自稱適
齋居士姓愛新覺羅氏滿洲正紅旗人系出

興祖直皇帝第三子寧古塔貝勒索公諱長阿之六世

孫也會王父福公諱祿王父富公諱爾丹均

贈光祿大夫考伍公諱拉納起家步軍統領衙

門筆帖式官至閩浙總督妣伊爾根覺羅氏

行述

誥封一品夫人人生妣索佳氏 誥封恭人以伯父仲

山公官侍衛班領 誥封太恭人 先是富公有厚德恬淡不樂

仕進涿州之莊頭邨故有別業公耽其幽靜因

徙居焉時遼東舊僕尚有數十戶悉除其籍使

之歸農竝各授之田歲徵其租咸樂輸將遂致

富居鄉仁恕樂施濟會捐產若干頃爲義田鄉

人立碑紀其事迄今父老多稱之總制公年十

二始奉生母曹太夫人移居都城阜成門內之

東廊下總制公生六子四女府君第三而行五

從大宗行次也府君生而聰慧書成誦後輒不遺忘疎放不拘儀節亦鮮所嗜好課誦外惟好畫畫無所師幼卽能之不喜逐羣兒嬉恒靜坐時作畫輒工往往貌諸家人輒肖嘗自寫真亦肖甚人皆奇之年十餘歲卽吟詩亦無所師授隨手散軼今百無一存矣存者自乙卯年始旣長益溫厚沈靜年十五九經悉熟讀好司馬氏通鑑能舉大意稍暇習國書習步騎射竝皆精通性純孝且友愛特甚兄弟小有爭論輒從中

行述

二

排解或以罪歸之輒任受過無敢少爭媪姆皆曰五哥無能爲何至此府君笑曰汝烏足知我家庭之內而欲以才力見長其不貽誚於闔牆者幾希矣先是大父御子嚴而喜英明發露者以府君沈潛不甚許可及聞此語喜曰渠能作此語兄弟其無他患乎事嫡母生母如一先意承志莫之或違以故能得嫡母歡愛之如己出其能得親心類如此大父歷官皖豫楚閩各省府君悉皆隨侍年十八循例來京當差始回旗

籍越一載而大父緣事獲咎府君與諸父竝成
伊江時六叔父文山公

諱舒斌

年已成童中途

忽患痘府君力爲調護朝夕湯藥必躬親其事
行抵蘭州叔父病益篤痘痂迸裂血殷牀褥展
轉呻吟傷心慘目奴僕皆引避去府君獨與之
共榻者十餘夕而叔父殤於旅邸府君曾爲文
哭之有弟母卽爲余母忍辭菽水之勞余心卽
是汝心應饗椒漿之薦等語蓋叔父爲張孺人
出孺人又他無所出故云嘉慶丙辰到戍將軍
保公

諱甯

以舊家子善遇之居三載爲請於

行述

三

朝己未秋七月蒙

恩賜還府君在戍惟閉戶讀書潛心經史之學以爲
讀書必先識字而今之號稱通儒自詡淹博者
殊不乏人及叩以字之音義形體非應答乖迂
卽張口瞠目不知所云然則識字者蓋寡矣因
手摘習用之字一以字典爲主搜採諸經訓詁
旁及子史日註十餘字錄成四巨冊顏曰適齋
字課未卒業而

恩旨下遂中輟其書尚存於家維時伊江遷客多知

名士而府君惟與二三知己爲道義交閒及文

字就中與河閒舒丈

諱其紹會任浙江長興令

尤稱莫逆相

與倡和吟詠遂富府君雖肆意於詩歌然於無

人處輒自飲泣或同舒丈及諸父郊遊往往臨

風慟哭人目爲狂而不知府君之哀慕者深矣

庚申春旋里屏除世事耽心禪悅詩亦遂廢辛

酉夏京師大雨敝廬傾圮無容身地乃寄居外

家外祖母張太夫人除舍館之府君以身遠慈

行述

四

幃定省或缺因日詣親所問安暑雨祁寒無或

閒時家已中替出無車雖僕僕道途弗恤也癸

亥四月朔不肖生命名錫禮

今改名崇恩乃嘉慶丙寅先伯父仲

入山公

所改報玉牒者

是秋覓戚黨善畫者德丈

諱新謂

之曰子盍貌我設我死庶椿兒

恩乳名阿椿

猶得於

畫圖中見我也德雖爲寫真而竊疑其語不祥

是冬偶患右脇初不爲意庸醫誤投峻劑毒內

攻嘔吐竟夕遂不起嗚呼慟哉時嘉慶八年癸

亥十一月十五日寅時也距生於乾隆四十二

年丁酉七月初二日午時享年僅二十有七葬
都城德勝門外清河朱房邨先大父新塋昭位
之弟二穴乾山亥向以子崇恩官吏部員外郎
任內 封典贈奉政大夫配希爾吉勒特氏福
建水師提督兼臺灣鎮哈公 諱當阿 長女 誥

贈宜人宜人有令德貞靜明淑事翁姑及府君
唯謹府君歿後守節撫子女成立飲冰茹蘗廿
有一年以道光三年癸未十一月十二日辰時
歿與府君合葬於朱房邨宗人會祠部請旌於

行述

五

朝例 賜建坊銀緞崇祀節孝祠餘詳宜人
節略中茲不贅子一人崇恩現官吏部稽勳司
掌印郎中兼辦文選司事公中佐領 欽命內

館監督 記名道府女一人蘆雲長崇恩三年

適鑲紅旗滿洲拔貢生文奇現官刑部主事孫

二人廷衡廷尚女孫四人芝年逢年澍年瑞年

竝幼當府君歿時恩在襁褓音容雖接追述無

由謹就伯父夢亭仲山兩公緒論及先太宜人

遺語略爲編次著於篇府君未出仕復早世既

無功業表見於時又未嘗著書立說傳之不朽
所可傳者惟遺草一編而已至家庭孝友又人
生分內之事爲人子者雖稱道疊疊而聽者或
習爲故常凡思之所以泣血爲此者非敢稍事
張皇鋪陳先德聊以載之家乘使後世子孫知
我府君德有足稱未竟其緒有所觀感或可推
我孝思於無窮焉爾至於發幽闡微表章於世
則深有望於立言之君子道光十有七年歲在
丁酉七月十五日不肖孤崇恩謹述

行述

六

賜進士出身戶部左侍郎總管內務府大臣正
白旗滿洲副都統管理國子監光祿寺事務
加三級姻愚姪文慶填諱

適齋居士集卷第一

長白 覺羅舒敏

秋笳吟上

過韓信嶺

淮陰仍廟食遺蹟湖英風袴下羣兒笑壇前大
將雄志吞秦二世計困楚重瞳漢代山河寂椒
漿奠野翁

慘別離

丙辰正月廿五日出關後作

吁嗟乎慘別離迢迢後會殊難期慈親相送淚
如縷哀兒萬里戍條支條支雖遠

適齋居士集一

一

君恩近屬兒首路心勿悲諄諄母訓猶在耳未
得生還弟先死玉門東望白雲重隔斷音塵六
千里回思車馬出城東縞素征衣血淚紅獄吏
催行怒如虎誰爲阮籍悲途窮嘉峪關前北風
吼驚沙撲面怪石走不辨東西天黑黃雪壓征
裘大於手相逢異地盡戎羌毳帳連雲客斷腸
喁喁不解作何語意似憐我來殊鄉縱橫虎爪
畱霜積疲馬蹠跚宿戈壁荒煙冷月四無人鬼



哭狐嗥動心魄滔滔歲月如驚波淚痕漬透魯
陽戈生死吞聲向前去舉頭天外塞鴻過塞鴻
過不寄鄉書奈汝何

述哀

月黑烏嗥酸磧冷雁聲苦慈烏反相哺斷雁呼
其侶嗟我投遐荒心迹殊愧汝哀哀罔極恩抱
恨已終古六弟死道路八弟繫囹圄緹縈一女
子猶能救其父覩然愧鬚眉生男竟何補百身
悔莫贖擢髮罪難數一息敢偷生小人實有母
詎辭冒嶮巖恐遂飽豺虎
聖澤及草木生還或可許哀呼

九閻高臨風淚如雨

夜至赤金峽

旅邸壁上有詩字多模糊惟雪壓紅
山獵馬驕七字可辨愛其俊逸爲續
此詩

雪壓紅山獵馬驕猿啼鶴唳旅魂消多情終是
家山月早向離人伴寂寥

途次松樹塘大雪

枕戟提戈萬里天，雪深沒脛馬愁前。
昌黎當日藍關去，祇說潮陽路八千。

奎素阻雪

丙辰二月廿六日行抵奎素大雪迷
漫無徑可辨，旅舍一椽已爲先。至者
所據他又無，可借宿枯坐車中口占
短句以誌是日之阨，詩成亦頽然睡
去矣。

適齋居士集一

三

雪海深不測，冰山萃然高。狂風振驚沙，掠地鳴
寒濤。僕夫冒風雪，逡巡屢卻顧。相戒毋失蹉，死
生繫跬步。長行客心苦，到寓如到家。夜深至旅
邸，先聞人語譁。老屋僅一椽，有人已高臥。淪落
同天涯，君睡我枯坐。太虛可爲室，到處皆蘧廬。
驅車入睡鄉，黑甜綽有餘。

破硯

寒星損半鎮，堪憐片石摩。掌忍棄捐成，毀由他
真有數。風波伴我惜，多年紙窗蠹。簡宜殘月斷

素零縑欲化煙自笑歸裝無長物關心不減舊
青氈

題古廟壁

廟建知何代行行引步遲樹頭新出鶴壁上舊
畱詩瘦竹穿僧屋喬松陰古碑月明禪榻在應
臥野狐狸

過果子溝丙辰四月廿九日

果子溝距伊百里路狹山高峯巒秀
麗山果半熟野花自開遍山紅綠相

適齋居士集一

四

閒氣候頗似春初不意沙場雪窖之
中有此桺媚鶯嬌之境馬上口占以
誌其勝

四面岩堯插碧空逶迤曲徑小橋通馬蹏趁雪
千山白花蘂經春一路紅深澗鳥鳴高樹頂亂
煙人語夕陽中舉鞭遙指寒林外酒旆依稀颺
晚風

秋夜

秋風秋雨逗秋寒擁被纔醒夜未闌老屋燈昏

蛩語澀荒城笳斷雁聲酸壯懷磊落知心少世
路崎嶇入脚難屈指愁腸真百結年來鄉里幸
平安

畫昭君

省識春風貌儼然黃沙白草望無邊琵琶聲撥
千秋恨環珮魂驚萬里天自是官家多薄倖非
關圖畫誤嬋娟六宮粉黛三千女寂寂園陵若
箇傳

宋史雜詠

適齋居士集一

五

宗畱守澤

未定中原喚奈何可憐誰奮魯陽戈傷心最是
宗畱守抵死猶呼速渡河

种樞密師道

皤皤白髮氣凌雲首立勤王不世勛矍鑠是翁
終不改至今猶說老將軍

李侍郎若水

血刃淋漓劇可傷金人比例說遼亡南朝簪笏
空盈闕惟見中山李侍郎

歐陽布衣激

一紙嚴刑下紫微
兩行清淚爲君揮
諍臣身死尋常事
太息南朝屬布衣

陳太學東

李綱纔罷洞霄宮
爲國畱賢見義風
奮袂上書辨忠佞
誰知無罪殺陳東

梁夫人

鐵甲金戈氣自雄
裙釵敵愾佐元戎
金人膽破長江日
盡在桅樓一鼓中

適齋居士集一

六

石工安民

婦孺能知司馬公
奈何名列黨人中
拖青紆紫知多少
愧殺長安一石工

賈似道

湖山浪迹賈平章
日日笙歌夜未央
報到軍書圍鄂渚
鬪來蟋蟀半閒堂

公將軍較獵卽事

數行小隊出城西
閃爍朱旗振鼓聲
彩雉倒飛隨箭落
蒼鷹側翅掠雲齊
荒林月滿雕弓勁
衰

草風寒怒馬嘶獵罷征人回首處風毛雨血萬
山低

畫竹二首

湘簾湘簟映清池勁節虛心是我師舉筆不離
寒瘦影此君風味故人宜

淇園腸斷隔關山揮灑林於指顧間莫謂嬋娟
好顏色墨痕漬處淚痕斑

和長安女史韓張氏塞上感懷原韻二

首

適齋居士集一

七

關山萬里寄孤身冰雪梅花不染塵斷臂肯畱

青冢骨偷生羞作綠衣人

氏美而賢以緣坐戎
伊王人欲納之不可

逼之乃斷臂自誓大帥
聞之除奴籍咨部得釋

慊慊毳帳霜鋒疾寂寂

篝燈血淚新我是飄零江海客每吟佳句倍傷

神

枯松勁竹度年華桃李紛紛逐浪沙人惜紫臺

重出塞天憐黃鵠竟歸家傷心異地風光惡弔

影孤幃月色斜古佛青燈相伴好休將凡卉繡

袈裟

冬日書懷

雪擁柴門一尺餘，問奇誰過子雲居。
高堂尚恐荒於學，寄語兒曹好讀書。

又見鄉書附雁奴，披衣然燭淚模糊。
親心怕惹兒心慟，除卻平安一字無。

年來如醉復如癡，兩地心情脈脈思。
聞說雞竿春有信，承歡爲我話條支。

絕無聊賴學吟詩，箇裏風情只自知。
觸處拈毫腸欲斷，原來最苦是鄉思。

適齋居士集一

八

飄泊誰憐似斷蓬，朱輪華轂夢魂中。
年纔弱冠頭先白，自署新銜塞上翁。

雞鳴喔喔五更時，敲到殘鐘分外遲。
月落參橫歸夢斷，對人嗔笑兩情癡。

和友人除夕元韻

爆竹聲喧徹四衢，異鄉風景也無殊。
管絃處處迎新歲，笑語家家換舊符。
偏覺旅懷今夕倍，不知別恨幾時無。
故園惟望歸期早，定展團圓家

慶圖

無題四首

銅鑲畫鎖院生苔亞字欄邊芍藥開魚雁書沈
人遠去鴛鴦褥穩夢初回錦文巧織蘇娘恨柳
絮高吟謝女才聞說相思寄紅豆畫簾深處燕
雙來

掌上明珠別樣嬌桃花綽約正垂髻胭脂顆小
何須點粉黛天成不用描瓜破只知憐碧玉碁
輸幾度暈紅潮近來消瘦容光未卻怪吳宮愛
細腰

適齋居士集一

九

杏紅衫子漾輕絲團扇荷塘獨立時翠鎖春山
眉黛淺珠凝秋水淚痕滋閒窗嬾學簪花格深
院羞題落葉詩心事不同鸚鵡訴恐他說被外
人知

團圍鏡影翠雲稠少小相親未解愁時向匳前
參彩筆憶曾簾下看梳頭當年風月清於水此
日鶯花冷似秋吟罷東鄰歌舞歇依稀笑語下
西樓

夜聽鄰院琵琶四首

殘燈半榻凍雲遮簾外
朦朧月影斜
隔院阿誰
渾未寢
夜深兀自撥琵琶

關山一曲客傷神
聽到歌殘笑語頻
大小珠璣
同落處
此人不是遠遊人

寒星點點露涓涓
獨坐淒清欲問天
非是琵琶
撩客夢
本來夜夜總無眠

么絃切切語呢喃
忽憶潯陽送客帆
一拍曲終
江月白
空教司馬溼青衫

自酌

適齋居士集一

十

何日唱刀環
傷心醉裏顏
無文難弔屈
有筆欲
投班
客淚多於雪
離愁重似山
雞竿知有待
秣馬喜生還

赤腳踏層冰
艱難氣倍增
問年新戍卒
晞髮老
禪僧憶別詩
千首消愁酒
數升古來河朔飲
浮白記吾曾

送春

雨洗桃花瘦
風圍桺絮飛
畱連今日別
遲爾隔
年歸

成園看芍藥四首

路隔山源一徑遙，名花相見旅魂消。
曹騰記在揚州日，人醉香風廿四橋。

丰姿綽約倚雲栽，一片紅綃向日開。
三載欲歸歸未得，玉盤金縷夢豐臺。

宮衣半脫露華滋，知是瑤臺第幾枝。
不向劉郎圖譜見，教人錯賦牡丹詩。

畫幃高懸錦繡攢，故園花事玉闌干。
卻嫌晝短還燒燭，翠袖親攜到夜闌。

適齋居士集一

二

七夕閨思

銀河脈脈露團團，五色絲飄拂玉欄。
緜氏有人招白鶴，承華無信降青鸞。
笙歌徐度天街冷，瓜果爭陳寶篆殘。
欲捲珠簾憑遠望，夜窗開處不勝寒。

題陳靜涵孝廉懿本畫枇杷

枇杷風味別多年，客館閒情寫兩三。
今日篔簹頭惆悵甚，金丸顆顆憶江南。

題陳冷香畫梅

老筆縱橫寫一枝曾於何處見瓊姿分明夢醒
桐江驛微雪初晴月上時

過元丹弼元戎九敘新寓

半畝方塘略約斜深深院落綠雲遮野畦豆角
肥春雨淺水蘆尖鬧晚蛙客散杵畱殘局子蜂
來香浸滿瓶花主人愛檢平戎策日報軍門早
晚衙

沿隄綠柳隱紅橋上下泉聲弄小潮石檻香吟
花下句天街涼度月中簫一年病榻人初健

時丹

適齋居士集一

十一

病初愈 萬里

君門夢未遙

鳳詔西來同秣馬溪山深處話漁樵

芟芟草簾四首

又名集
吉草

勻圓潔白影纖纖紙帳繩牀襯矮簷一樣月華
斜照處蘭閨錯認水晶簾

勁節不隨羣草偃青青未腐化身難昨宵螢火
穿簾入後果前因仔細看

珠幃翠箔曉雲收聒耳笙歌醉玉樓蓬戶苔衣

書帶滿等閒不肯上簾鉤

湘妃泣盡竹成斑綠徧郊原不忍刪何地無才
多泯沒可憐拋擲玉門關

秋柳四首同舒春林大尹

其紹作

西風颯颯雨霏霏五柳門前冷夕暉灞岸折來
征騎遠金城垂處昔人非飄零秋燕和煙瘦蕭
瑟寒烏帶月飛羌笛何須倍惆悵玉關春色舊
來稀

依依翠色隱紅樓嬾向章臺憶舊遊旖旎風光

適齋居士集一

十三

人跡少蕭疏黃葉雁行稠淒風冷雨隄邊樹落
日寒霜陌上秋市地秦淮痕斷處青驄猶繫畫
橋頭

當年曾記在江鄉斗酒雙柑坐綠楊此日鶯聲
迷院落何時鴛夢會池塘一聲戍笛吹殘月幾
葉漁舟綰夕陽怪底樓頭人不見珠簾垂處已

秋光

驕嘶獵馬古城陰翠影沾衣夾岸臨寂寞梁園
增客夢蕭條彭澤起歸心迢迢萬里霜凝樹皎

皎三秋月滿林轉瞬春歸纖葉展眉痕依舊畫
簾深

近見黃再莘別駕聘三集中有洪山橋

泊舟遇雨之作憶余入都時亦曾於

此地舟行值雨因而感賦卽次其韻

舟泊洪山下蒼茫憶客程雨催帆影疾風撼柁
樓橫歧路楊朱淚髻年此岵情雲煙空過眼矯
首望榕城

送江佇湖少尹潮南旋

適齋居士集一

十四

秋窗話別漏聲遲風雨先牽別後思旅邸一杯
桑落酒邊城兩度菊花期羨君此日通仙籍憶
我他年寄好詩想到家園重聚首休言葱嶺未
歸時

題鐵瓶山人畫山水

柳外漁歸小艇移蓼花楓葉映參差山橋水漲
停何處細雨斜風颺酒旗

墨色淋漓雨意濃竟將尺幅展雲峯野人最愛

山林趣臥看何須曳短筇

登鑿遠樓

紫塞山環水急流憑欄萬里寸心愁
離人底事思歸切葉落邊城又一秋

秋夜宜秋館聽雨

獨坐宜秋館憑欄聽雨聲
灑窗人倍寂溼樹鳥頻驚
餘瀝添長漏輕寒上短檠
撫衾方欲臥又起故園情

適齋居士集一

一五

孤從在寅三四開
離云不問自來香

適齋居士集卷第一

金陵柏在中仿
宋本字畫錄刊

適齋居士集卷第二

長白 覺羅舒敏 石舫

秋筵吟中

訪浦謙齋煌扣雲煥昆季夜話

北窗一夢覺夕陽已西墮念我素心人躡履來
高齋新詩入超妙清談雜談諧幽興猶未已忽
驚鼓角催相送及柴門月明松徑苔此境殊不
惡應繫他年懷

長至日東春林

適齋居士集二

一

日日尋君話高談足起余買鄰金盡後諺云千金買鄰

新居只隔一牆

破睡燭銷初客久頻傾釀詩成徑造廬

同來萬里外又見子雲居

最怕逢佳節偏能動客愁飛灰憐楫拙鋪鐵到
衾裯無那鄉心切同爲絕塞遊何時歸故里倚
枕話滄洲

冬夜偶成東再莘

淒涼戍角咽寒天獨坐圍爐意悄然添得旅愁
憎永夜演來歸思愛長箋雞鳴遠塞更初盡雪

壓孤城客未眠豪興似君應有句可能爲我續
新篇

夜歸不寐作

霜重行有聲月澹照無影松徑雙扉掩竹窗一
燈炯歸來擁衾臥耐此寒夜永牢落旅懷孤迢
遞鄉音梗思苦結幽夢秋江放煙艇

元宵閨思五首

傳柑令節劇堪憐欲寄相思語萬千說到團圓
癡不解年來錯信卜金錢

適齋居士集二

二

五夜光明錦作堆迢迢蓮漏更頻催春宵那用
一錢買萬里邊城客未回

六鼇海上駕蓬山火樹銀花似昔年明月依然
圓鏡滿樂昌何日得重圓

繡榻孤燈鎮夜思衆人歡笑一人悲春閨岑寂
猶如此塞上風光更可知

荆布妝成挽鹿稀屢屢歌罷伏雌肥鄉園啜菽
原堪樂何必歸來定錦衣

紅豆仲兄沁香同賦

江南佳種倚雲栽，顆顆猩紅點翠苔。
落銜從朱鳥，至綵絲分贈玉人來。
唾壺恰貯靈芸淚，然釜誰憐子建才。
啜菽鄉園余願足，相思不假夢徘徊。

惠遠城晚眺三首

萬堞嵯峨倚水濱，天涯芳草又生春。
三年別淚知多少，誰慰高堂白髮人。

格登山色碧連雲，斷戟沈戈自古聞。
有客西來

問消息，欃槍計日掃妖氛。

時川楚未靖

適齋居士集二

三

雨過潮頭聲倍急，戍樓人話夕陽中。
誰知白骨青燐地，也放山花片片紅。

春日德園小集

茸茸石徑草初齊，綠漲前村水一溪。
粉蝶尋香隨絮舞，玉驄隔岸踏花嘶。
山翁聚語東西陌，野鳥無名大小啼。
日暮主人投轄意，相邀重步白沙隄。

夜雨與春林聯牀話舊

鐵馬金戈歲幾更，天涯春色帶邊城。
挑燈話到

鄉園事愁聽窗前風雨聲

一江漁火掩平沙五月披裘八月槎君自有愁
還慰我年來好夢不離家

春雨春風擾客頻聯牀抵掌亦前因他年土銚
篝燈裏構屋西山作比鄰

詠舍傍新桺示春林

嫩黃嬌碧萬千絲不忍攀來贈路歧至竟阿誰
先別汝長條畱取綰相思

鎮日尋春賦桺枝折來馬上當鞭絲他年策蹇

適齋居士集二

四

西湖路

明湖

卻話天涯竝繚時

夢歸

親年漸老頻添懼卽日能歸已覺遲萬里關河
難阻夢三年哀慕盡存詩荒城雪霽雞鳴夜旅
館燈昏雁到時遙想家人憐遠戍團圍鎮日說
條支

春畦

繞屋新畦半畝斜雪泉汨汨草萌芽移來野卉
千金價祇種當歸不種花

初夏遣懷

飛紅漸瘦綠初肥
著意畱春竟歸京
邸競開櫻筍
讌邊氓不識
薜蘿衣上書
賈誼年原少
漉酒陶潛計未非
東去長安花正好
羅含封拜錦成圍

聞鶯八首同春林作

戊午五月
望後二日

歌喉何處譜瑤笙
百轉春風解宿醒
莫怪深山來已晚
冰天五月始聞鶯

秦關漢月幾經春
夢入深閨見亦親
此日玉樓

適齋居士集二

五

春又到驚回多少
曉妝人

暮煙靄靄草淒淒
馬邑龍堆一望迷
鵝鴨軍聲鴻雁窟
卻從此地聽黃鸝

當年小住海西頭
斗酒雙柑聽栗畱
隄上斜陽隄畔水
春風蕩漾木蘭舟

聲聲叫破夕陽殘
故向花梢鬪羽翰
珠箔銀鈎簾捲處
翠衣倚徧玉闌干

天涯風雨溼征衣
芳草王孫歸不歸
最感多情如舊識
雙雙曾繞故林飛

纖纖柳色翠眉低夫壻封侯習鼓鞞萬里隨他
枝上叫莫牽香夢到遼西
金衣公子致翩翩絮語緡蠻破曉煙俗耳詩腸
消不得紅山橋畔別經年

詠白芍藥

曾向中條幻後看臨芳殿裏辨應難迎風未許
歌金縷醉露居然走玉盤冰雪半消翻石砌鉛
華盡埽倚雕欄香山好句山僧乞莫認慈恩白
牡丹

適齋居士集二

六

端陽四首

天山五月罷飛霜射柳平沙百戰場不是兒童
簪艾虎幾忘今日又端陽

斟來蒲酒醉顏酡三度端陽感慨多太息三閭
成底事空傳賈傅弔湘波

偏於令節惹鄉思觸忤離愁倍昔時卻怪玉門
人不覺家家繫臂染新絲

歌裙舞扇記揚州彩勝朱符壓滿頭杏子衫輕
風力軟笑攜紅袖看龍舟

亭南

亭南羣木下一碧湧樓臺小鳥驚人過孤雲挾
雨來橋因花徑轉門藉竹籬開客約西園醉宵
分踏月回

鶴

閒步花階藉綠茵臨風雪矯玉精神羊公不舞
庭前鶴絕世風流似主人

午醒

數椽茅舍遠塵囂花影玲瓏水漲橋午夢纔回

適齋居士集二

七

誰作伴半窗新綠美人蕉

聞烏有感

一天明月冷如秋繞樹羣烏噪未休斷續簷聲
分畫角迷離陣影壓危樓驚回少婦三更怨惹
起征人萬里愁底事近來歸思切輸他反哺志
先酬

夜中口占

客舍愁多夢不成雁聲嘹唳過江城蛩喧荒砌
人偏寂笳咽邊樓月倍明敗紙鳴窗鄉思碎昏

燈銜壁曙光生懷歸應有歸來日何必殷勤問
子平

夏夜雨

一抹雲如墨蕭齋枕簟涼燈昏明電火夢破走
雷碾驟湧泉聲大徐蒸草氣香朝來花綻好隨
意攬紅妝

擬送春林大尹北旋二首

天書一紙降丹墀驪唱居然在路歧開甕任傾
桑落酒春林新釀酒熟到家先寄草堂詩燕南煙月君

適齋居士集二

八

重睹塞北風霜我獨知夾岸柔條不忍折思量
分袂醉中宜

未歸早計歸時路爲客偏驚客去多陌上飛花
征騎急階前芳草故人過一年同看天山雪萬
里重經鐵勒河寄語故園多釀秫與君結伴隱
漁叢

秋日隨家兄夢亭沁香暨舍弟懷堂邀
同陳靜涵與浦謙齋扣雲昆季遊綠

綺園二首

登樓心自逸縱目更悠然豪興存詩酒秋聲入
管絃雪開千里嶂雲斷百重泉翹首諸天近蓬
瀛何處邊

紅葉蕭蕭下黃花寂寂秋家山真浩渺勝侶且
遨遊霜氣橫沙磧江聲走戍樓天憐歸路好槎
影泛中流

詠菊八首

余與春林寓齋相連前後各有隙地
盈畝禾中秦翹桐以菊種見貽栽植
滿院花時五色具備燦若雲霞因招
集同人酌酒簪花笑傲一室擬題盈
百貯瓶中任人自取余拈其八勉強
成篇聊供諸公一噓耳

黃菊

橙黃橘綠影沈沈又引寒花錦作林霜氣乍凝
千嶂紫西風催綻一籬金萱階竝作忘憂色葵
圃同懸向日心滿鬢插來君莫笑葛巾宜酒復

宜簪

紅菊

芙蓉江畔影重重吹入疎籬映一叢入徑乍疑
飛絳雪停車那解愛丹楓光分火齊千珠纈色
借珊瑚一捻紅巾地莓苔秋色冷穠華淺澹暮
霞中

白菊

白衣幾度酒盈樽素影翩翻雪滿園伴月最憐
迷月色含霜無復有霜痕霓裳隊隊游仙夢玉
樹亭亭倩女魂漫說梅花東閣好嗤他何遜戀

朱門

適齋居士集二

十

紫菊

紫塞煙凝落照殘柴門叢菊映楓丹搖風一片
胭脂冷掣電千層翡翠寒薇掖花零無過燕萸
囊香合有駮鸞柴桑桑甚鳴鳩醉日把霞觴帶
笑看

種菊

澹雲微雨暗滋培分得黃花手自栽占盡年華
三徑滿好教冷豔一時開抽莖吐葉宜春露抱

甕攜鋤破碧苔莫謂晚香難久俟大成多自苦
中來

賞菊

含風挹露影離離辛苦終年一舉卮沽酒常爲
忘夜飲裁箋爭賦賞秋詩孤標不作春婆夢野
態偏於處士宜笑問歸來彭澤令羲皇以下幾
心知

評菊

載筆微吟口角香休論魏紫與姚黃品題早定
花中隱殿最疑爲洛下王不逐羣芳矜曉露祇
將獨豔傲秋霜孤高遜世誰爲匹五柳先生藻
鑑詳

殘菊

經霜花事已闌珊小朵疎枝割愛難諫果噉餘
偏有味舊詩刪卻又重看零星瘦蜨分秋夢礪
砢孤松結歲寒珍重落英堪作枕莫教容易佐
盤餐

雪菊

戊午重陽後二日大雪階前菊一本
意必凍損霽後枝葉扶疎如故喜而
賦此

一夜彤雲凝戶牖階前凍菊尚支持飽看楓葉
霜中改陡見梅花雪後奇傲骨好添風土記貞
心真耐歲寒時陶公本是無懷侶煖酒圍爐慰
故知

有懷蔣樾軒寓安秀才

昔我初至伊與君未識面浪跡萍偶合焦尾桐
已爨消寒創詩社傳柑預文讌方幸今雨來遽
作晨星散春畦花未歇秋林葉忽戰俊遊一以
遙年華嗟屢換天末起涼風相思渺雲漢

次任棠村太守澗南塞上感懷韻二首

荷鏡拾橡太疎慵野碓生憑水自春俗好誰甘
回後味人情偏簇笑中鋒關雲墮地秋無跡塞
草黏天雪有蹤試向燕然尋片石勒銘客久擅
屠龍

月窟星源萬里郵荷戈何敢冀巢由乘軒誰是

千年鶴取僧人憐
百里牛靈夢驚殘
魂尚悸窮途
歷盡氣方柔
他時裂帛湖邊過
訪戴應乘雪夜舟

不寐

迷離燈一點
漏盡尚微吟
被冷人敲枕
霜清月在林
三年遷客淚
萬里故園心
戍角鳴鳴起
邊城曉氣侵

除夕二首

客懷原不耐
况又值今宵
愁已隨年積
詩應仗

適齋居士集二

三

酒澆淒淒風
雪急點點鼓
鐘敲厭寫宜春帖
無人慰寂寥

故園今夕裏
閨夢阻岩堯
荆布安時命
冰霜怯歲朝
無心燒絳燭
有淚溼紅綃
不是封侯壻
緣何萬里遙

梅花六首

憶梅

有雪無梅客
斷腸不須策
蹇爲花忙
隴頭問訊人
何在帳底橫
陳夢自長
每憶孤標浮
大白幾

時清影伴昏黃依稀記得江南路水驛山程到
處香

訪梅

展聲得得徧雲隈省識誰家綠萼開隴首有人
會寄我羅浮無夢不因梅幾番踏雪攜樽去盡
日微吟帶月回好語寒香休避客扶筇呵凍爲
君來

白梅

冰作精神玉作肌孤懷頗與澹相宜明蟾映雪
難分色老鶴臨風別有姿玉照堂前人悄悄巢
居閣下影離離梨雲一片江鄉夢翠袖天寒薄
暮時

紅梅

七寶莊嚴白玉姿暗香誰染澹胭脂嶸山雪釀
流霞影庾嶺春回濯錦枝豔質不教桃李伴穠
華未許蝶蜂窺絳仙扶醉瑤池側駕鶴驂鸞暈
頰時

盆梅

老梅鐵幹纔三尺不種桃蹊與杏村古盎移來
春雨活孤山夢去舊煙存珠簾冉冉香盈握紙
閣亭亭玉作魂莫謂屈蟠瓠裏只畱清氣滿
乾坤

畫梅

紙窗呵凍寫瓊姿如對輕煙細雨時筆底花生
疎瘦影階前香印短長枝貞心羞倩濃脂抹冷
韻偏於澹墨宜高士美人雙管下莫將沒骨召
徐熙

適齋居士集二

十五

孤炎在寅二可開
離云不月自不罽

適齋居士集卷第二

金陵柏
宋本字畫
畫堂
仿

03634

